



Broj: 22-04-44-1-285/18
Sarajevo, 13.10.2018. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i članom 24. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 8/07) dostavljamo Vam:

REDOVNI IZVJEŠTAJ
za period od 07:00 sati 12.10.2018. do 07:00 sati 13.10.2018. godine

Kantonalni operativni centar civilne zaštite je dana, 12.10.2018. godine u 16:39 sati primio informaciju od Dispečerskog centra Profesionalne vatrogasne jedinice Kantonalne uprave civilne zaštite Kantona Sarajevo, da je u poslijepodnevnom satima oko 16:00 sati u ul. Bjelave kod br. 43., prilikom izvođenja radova od strane KJKP Vodovod i kanalizacija došlo do oštećenja visokotlačne cijevi od plina. Na lice mjesta odmah su upućeni pripadnici Profesionalne vatrogasne jedinice, kao i ekipe KJKP Sarajevogasa i Elektrodistribucije Sarajevo. Na lokalitetu gdje se desilo oštećenje plinske cijevi odmah je obustavljen saobraćaj i isključena električna energija, dok je ekipa KJKP Sarajevogasa oko 17:00 sati zatvorila plin, a potom pristupila sanaciji visokotlačne plinovodne cijevi. Iz predostrožnosti je izvršena i evakuacija učenika i osoblja iz Srednje medicinske škole na Bjelavama. U 18:05 sati uključena je električna energija za navedeno naselje, a u 19:00 sati je uspostavljen i saobraćaj. Ekipa KJKP Sarajevogas u 21:34 sata je sanirala oštećenje na visokotlačnoj plinskoj cijevi, a u 22:00 sata je normalizovan dotok prirodnog gasa na tom području.

Profesionalna vatrogasna jedinica Kantonalne uprave civilne zaštite Kantona Sarajevo:

U izvještajnom periodu pripadnici Profesionalne vatrogasne jedinice imali su četiri manje intervencije i to: jedan izlazak na lice mjesta po dojavi dima u hodniku zgrade, jednu manju intervenciju u stanu i dva obezbjeđenja (obezbjeđenje lokacije na Bjelavama gdje je došlo do oštećenja plinske cijevi i jedno obezbjeđenje koncerta u BKC).



Iz općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobijene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

JU Zavod za javno zdravstvo Kantona Sarajevo: U periodu od 24.09. do 30.09.2018. godine ukupno je na području Kantona Sarajevo prijavljeno 54 slučajeva zaraznih bolesti obaveznih prijavi od toga: pet angina streptoc. (streptokokna angina), jedan Brucellosis (bruceloza), 11 enterocolitis ac. (enterokolitis), sedam herpes zoster (šindre), jedan mononucleosis (mononucleoza), 16 nosocomial infections (bolničke infekcije), četiri parotitis epid., tri salmonellosis (salmonela), četiri scabies (svrab, šuga), jedan scarlatina (šarlah) i jedan toxiinfectio al. (trovanje hranom).

Elektrodistribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskim postrojenjima.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodopsnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 07:00 sati temperatura u Sarajevu na mjernoj stanici Bjelave je iznosila 7°C, vlažnost zraka 86%, barometarski pritisak 954 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d., JP Željeznice Federacije Bi H i JP Međunarodni Aerodrom Sarajevo**, gradski, međugradski, željeznički i zračni saobraćaj se odvijaju po ustaljenim redovima vožnje i letenja.

PO OVLAŠTENJU DIREKTORA
DEŽURNI OPERATIVAC

Sifet Čengić

Dostavljeno:

- Direktor KUCZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>
e-mail: oc@kucz.ks.gov.ba
Tel: + 387 (0) 33 121, 556-670
Fax: + 387 (0) 33 556-671
Sarajevo, Reisa Džemaludina Čauševića 1